

„პროლეტარიატის ბრძოლის“

ფ უ რ ც ე ლ ი

№ 5--6.

15(22) 1 (13) იანვარი 1904 წ.

ს ა ნ ა ლ ე ლ ი თ ი!

აილწლის პირველი დღეებია. ქალაქი სამხიარულთ ირთვება-იკაშება: დღიური ტრ-ვარამი თაი-შაბეზრებულ ოჯახის მამა და სკოლ-შვილ-ში ღირება მოსვენებას, ოჯახისათვის მთავრულთ ეგებება დღესასწაულს. ბავშვები ცქრილ-ხარხარით დახტან, რბიან, დედა თვალზე-გაბრწყინებული შესტრფის მათ ჭრამულს და რთავს, კა-ზმავს თავის ღარბ ქონებას, ალამაზ-ასპეტაკებს მცირეოდენ სამკაულს. ყველაფერს რაღაც განახ-ლება-გაცოცხლება ეტყობა. შუა ღამეა. კარებზე უსიამოვნო ბრაგუნის მოისმის; ოთახში შემოდინ ბილწი თვითმპყრობელობის მსახურნი: ჟანდარმის აფიცერი, ბოქაული, „გოროდოვები“, „დვორნიკები“ და ჯაშუშები.... მათ განახლება არ ეტყო-ბათ; ჩვეულებრივის უზრდელობით, მხეცურის უზა-ტიურობით, საზიზღარი სახის გამომეტყველებით შხაპვენ საერთო სიამოვნებას, ბილწვენ პატიოსან ოჯახს, მოურიდებლათ ბურჯგნიან კაპწიით მორ-თულ ავეჯეულობას, აფათურებენ ბინძურ ხელებს ქალის საწოლში, ოჯახს წვერთა გულ-მკერდში, სჩხრეკენ საოჯახო კუნკულს, იტაცებენ ნაცნობ-მეგობრების წერილებს, გაფაციცებით დაეძებენ გონების ყოველნაირ ნასახს, ნაწარმოებს, ბლალ-ვენ წმინდა ადამიანურ გრძნობას; ერთი სიტყვით, დაეძებენ მართალ სიტყვას, დაძრწიან გახრწნილი პარტებლობის საწინააღმდეგო აზრების დასახშავათ, მოსასპობათ, ჩასაჩხვით, აღმოსაფხვრელათ. მაგრამ განა წმინდა აზრი დაიხშვება, მართალი სიტყვა ჩა-იჩხვება, პატიოსანი გრძნობა გაისერება ამ უზნეო მონების ბინძური ხელებით? ჯანა დახვსებული მთავრობის მიმართ გაწვდილი ბასრი ნათელი სამა-რთლიანობა აღმოიფხვრება ამ წყვილიდში უნამუ-სოთ მოწაწაღვების ფარ-ხლით? არა! ციხეები აავსეს, ხალხი გაყლიტეს, ყოველგან სახრჩობელა დადგეს, ქვეყანა ნამუსით მოვაკრე ჯაშუშებითავე-სეს, ხალხი ქონებიდან გასცალეს, პატიოსანი მე-ბრძოლნი გასაყინებლათ ციმბირში გაირეკეს, ყო-ველ ოჯახს მოღალატე-გამცემელი დვორნიკები ჩა-უყენეს, დედებს გულიდან საყვარელ შვილებს გლე-ჯენ, ოჯახის მამებს ოჯახს აშორებენ, ძმას ძმის გაცემის აძალბენ, მეგობარს მეგობრის სულის კვეთების მბობას მოსთხოვენ... გარყენეს ქვეყანა, დააუძლურეს ქონებრივთ ხალხი, მხოლოდ წმინდა გრძნობა კიდევ უფრო იშლის ფრთას, მართალი სიტყვა კიდევ უფრო მედგრათ ისმის, პატიოსანი მებრძოლნი თვითმპყრობელობის დასამხობათ ერთა ასათ გამრავლებულნი კიდევ უფრო იმახილებენ საბრძოლველ იარაღს, მთავრობის გმობა და ზიზ-ლი დღით-დღე იზრდება, ფართოვდება, მრავლდე-

დება და საოცარ ჩვენებათ დასდგომის სულთ-მობრძავ მხეცს! აი ეს ჩვენება აფრთხილებს ყვარ-ლო მომავალს, ის უწაღავს უკანასკნელს კაპიტალს და ესეც იმედიებს ყველა ბნელ ძალებს, უკრებს უკანასკნელ ძალ-ღონეს, თავს უყრის თავის ერთგულ მონებს ყოველი კუთხიდან და კი-დევ ერთხელ სცდილობს თავის დახწევას, კიდევ ერთხელ შხამავს თავის ამძორებულს, დამპალი სხეულის სუნით ჯანმრთელსა და საღ სიცოცხლეს...

გათენდა. ნათლისდება. ხალხი საღდესასწაუ-ლოთ გარეთ გამოფენილა და ჩვეულებრივის ხალი-სით მხიარულებას ეპირება. შეცდა ხალხი. მას მხი-არულებას დღესაც არ აგეგმენ; მას ერთად თავ-მოყრილს სამხიარულოთ თვითმპყრობელობა ვერ გუობს და ამიტომ კაზაკები მათრახებით, სოლდა-თები თოფებით, პოლიციელები და დვორნიკები ხმლებით და ჯოხებით ჩაურევია ამ ხალხში. სცე-მენ ქალ-ბავშვებს, სცემენ გამვლელ-გამომვლელთ, სცემენ განუჩრვლათ და სასტიკათ; მიათრევენ ცი-ხეში, უგინებენ მშობლებს... მისთვის ყველა არა კეთილ-სიმედოა, ვისაც პოლიციელის ფორმა არ აცვია, ვისაც თვითმპყრობელობის ნიშანი არ აკ-რავს. ასე იბრძვის გამწარებული სიმხეცე. როდემ-დის?

საუკუნოები გადის, რაც უმწეო ხალხის სისხ-ლი იღვრება; რამდენი ხანია მეგრძოლი პროლე-ტარიატის ძელებით იკირწყლება სოფელ-ქალაქთა მიდამოები, რა აუარებელი ჯან-სალი, ქვეყნის სიმ-დიდრის შემქნელი მშრომელნი სწყდებიან თავის კუთხეს, როგორის მოუსვენრობით, აღტაცებით, გმირობით შესქიდებიან მუშა ხალხი ზარბაზნებით შეიარაღებულ მეფის დამკაშებს! მათი უსამართლო-ბა-კი ყველას გვეჯგნის, გვაკენესებს! გესმით, მო-ქალაქენო, თქვენი ქალ-ვაჟთა წუწუნი; ხედავთ მათ ცარცვა-დარბევას, გეყურებათ ნაცნობ-მოგობრების მწუხარება, ატყობთ თქვენს არა-რაობას? ყველა-ფერი ამის მოსპობა-აღვა-კი ასე ადვილია, ასე ახლოა! მოიკრიბეთ საესე ძალ-ღონე, მოისუნთქეთ წმინდა ჰაერი, შეუერთდით მეგრძოლ რაზმს და თვითმპყრობელობის აღსასრულის საათიც ჩმო-რეკს!.. ჩვენთვის მეგრძოლი ძმები ციხეში ღბე-ბიან, ჩვენთვის თავ-დადებული მეგობარნი ციმბირ-ში იყინებიან, ჩვენთვის განწირული მოყვასნი სახრჩობელაზე ეკიდებიან, საერთო საქმისათვის ქუ-ჩაში გამოფენილი მუშები ტყეებით იხვრტებიან! როდემდის? ამის გადაჭრა ჩვენზე კილია. მთავრობა გამწარდა იმიტომ, რომ ძალა ელევა, თვითმპყრო-ბელობა შმაგობს იმიტომ, რომ ნიადაგი გამოეცა-ლა, ბებერი მხეცი დაძრწის იმიტომ, რომ მწვავე ტკივილებს გრძნობს. მას ყოველგან და ყოველთ-ვის „არა საიმედო“ ეჩვენება, ის ხმალ-მფორას მო-

დერბული სხვაობის სდეც, ქვემარტ აზრს ეძებს ჩვეულებით, მაგრამ ეს აზრი ისევ თავისუფლოდ დასაბუთებს კიდის-კადემდე, სიმათლე კიდე უფრო აღვივებს თვითმპყრობელობას გამანადგურებელ ცეცხლს და მთავრობის მოწინააღმდეგეობას. სინამდვილეში უკმაყოფილო გული მოგვცა საყრდენი და მხარდამოკიდებული შეგუება თვისი სხივები. მ ვუთხროთ ამ სხივებ კული, შევცნოთ იქედით ჩვენს სატრფოს და გამოვლათ შევცნოთ ღნი მივცხათ თვითმპყრობელობის ნახევრით და დეველ კოშკს, შევცნოთ მედგრათ: ძირს თვითმპყრობელობა! ჩვენ მივალტვით თავისუფლებისაკენ და გზა გვიტე ბებერო მხეცო!...

ახალ სალდათების დემონსტრაციები გუბიასა, ბათუმსა და სიღნაღში.

რუსეთის საზოგადო თვითმპყრობელობას თანდათან ძირი ეთხრება... ჯერ იყო და ამ უკანასკნელ სამი წლის პოლიტიკურ დემონსტრაციებში ქალაქებში თავ-ზარი დასცა მეფესა და მის დამქაშებს — მინისტრებს... ამას ზედ დაემატა სამხრეთ რუსეთისა და კავკასიის ზოგადი კუთხის (ნამეტურ გურია) გლეხების აჯანყება და გაფიცვა. ამას მოჰყვა საერთო გაფიცვა კავკასიისა და სამხრეთ-რუსეთის მუშებისა. ვერ აღუდის თვითმპყრობელობის დამცველი „ჩანოვნიკობა“ უკმაყოფილოთა დამკერას, მათ ციხეებში დატყვევებასა და შორეულ ჩრდილოეთ-ციმბირისაკენ გადასახლებას. რევოლუციონური ბაცილა კიდევ უფრო მეტად მრავლობს და მრავლობს!... ეს „ბაცილა“ ახლა მოსდებია პირველსა და უკანასკნელ ბურჟს რუსეთის გახარწნელ თვითმპყრობელობის — მეომართ, „ჯარის-კაცთ! მათაც არ უნდათ იყონ ბრმა იარაღი „ველურ“ მეფისა, თავისა და თავის მოძმეთა დასაჩაგრავათ. მათაც შეიგნეს, რომ პროლეტარიატის ინტერესი დღეს ყველა შრომის-შეილთათვის საერთოა... დიდი უმრავლესობა მათგანი იმავე სოფლისა და ქალაქების მშრომელთა შეილებია ხომ... მაშ, გაგიმარჯოთ, გაგიმარჯოთ, ახალნო ჯარის-კაცნო, საერთო ინტერესის შეგნების გზაზე, — გაგიმარჯოთ! სალამი ჩვენგან!

აი რას გვწერენ ჩვენ ახალ სალდათების დემონსტრაციებზე სხვა-და-სხვა კუთხიდან:

1) 1 ნოემბერს დაბა ჩოხატაურში (გურიაში, ოზურგეთის მაზრა) დაახლოებით 50—60 ახლად გაწვეულმა სალდათებმა დემონსტრაცია მოახდინეს: ააფრიალეს წითელი დროშა და სიმღერით გაიარეს მთავარ ქუჩაზე. დემონსტრანტებში ბევრი იყო ბათუმის მუშები, როგორც ახლათ გასაწყვეი სალდათები. დაიჭირეს იმ დღეს ვარდენ და გერონტი კალანდამეები და სოლომონ ლომთათიძე.

ამ პირველმა დემონსტრაციამ ჯარის-კაცთა მხრივ დიდი აღელვება გამოიწვია იმ მოპირდაპირეთა შორის: თვითმპყრობელობის დამცველ პოლიციასა და ხალხში. პოლიციის მოხელე ჯაშუში წერეთელი დემონსტრაციის შემდეგ, მამაკუ-

რად დარბოდა დ. ჩოხატაურის ქუჩებზე და ლანდალდა „სტრეინიკებს“, — რატო „წითელი“ (დროშის) გამოტყვევების ვერ ბედავს ეს მხდელი ქვემარტა, — ახლად ესეც თუ აღკრძალულია, — და ისიც პოლიციისათვის!) არ წაართვით დემონსტრატებს, — მოვაჭრეებს დუქნების დაკეტვას, ესე იგი ვაჭრობის მოსპობის და ციმბირში გაგზავნას ემუქრება... დ. ჩოხატაურს ქ. ოზურგეთშიც მიხმდა. აქაც კენკის ამოღების შემდეგ ახლად გაწვეულმა სალდათებმა დროშის მაგიერ წითელი ცხვირსახოცი ააფრიალეს და ისე დადიოდნენ ქუჩებში, გმობდნენ მეფეს, ახლად დღეს წეს-წყობილებას და ხმა მძლავრად გაჟღერდნენ: „ჩვენგან ბუჩხნუ მივიღოთ“... ამგვარივე ამბავი მოსდა სიღნაღში, სადაც 8 კაცა დაპატიმრებულ იქნა.

2) 8 ნოემბერს, ქ. სიღნაღში (ტფ. გუბ.), ახლად გასაწყვეი სალდათებმა, რაცხეთ 80 კაცმა, — სანამ „პრისუსტისაში“ გაცხადდებოდნენ, — ქალაქს „ზევითა მოედანში“ შეიკრიბნენ, — შაბეს გრძელ ჯოხს წითელი ცხვირსახოცი და „ურა“-ს, „ძირს თვითმპყრობელობა“, გაუმარჯოს თავისუფლებას, „ნუ იქნება სალდათობა“-ს ყვირილით ჩამოვიდნენ „ქვემო მოედანში“. აქ ისენი მკადროდ შეჯგუფდნენ და შეფიცეს ერამანერტს, — არასოდეს არ ესროლონ მუშებს და საზოგადო „აჯანყებულთ“. ცრტა ხნის აქ შეჩერების შემდეგ, მანიფესტანტები ქალაქს ბაღსაკენ დაბრუნდნენ „სამხედრო პრისუსტისაში“ შენობაში. გზაზე მათ პრისუსტის წევრნი და პოლიციის მოხელენიც შემოხვდნენ, მარა ამ უკანასკნელთ, იმის შიშით, რომ პოლიტიკური ხასიათი არ მიეღო „ახალგაზღვების“ ასეთ სერიოზობას, — არავითარი ზომები არ მუღლათ. პრისუსტის დერფენში მანიფესტანტებმა კიდევ რამდენჯერკე დაიყვირეს: „ძირს თვითმპყრობელობა, გაუმარჯოს პოლიტიკურ თავისუფლებას!“, ამის შემდეგ-კი ისინი პრისუსტის ოთახში შევადნენ შესაშოშმებლათ.

3) მარა, ყველაზედ უფრო საყურადღებო დემონსტრაცია ბათუმში მოახდინეს ახალ სალდათებმა 19 ნოემბერს, როცა მათ გემისკენ მიამგზავრებდნენ. აქ შემოგროვდნენ უმეტესად რაჭიდან, კახეთიდან და რამდენიმე სამეგრელო-იმერეთიდან 2,000-დე ახალი ჯარის-კაცი. „ბაცილები“ თავიანთ კუთხიდანაც გამოყვლილათ, — და აქ კიდევ, ამ საშიშარ ბათუმში, ორგანიზაციამაც შეუწყობილი „ბაცილების“ მძლავრად გამოჩვენებას და მოქმედებას მათში... უთუოდ აღმინისტრაციამ წინდათინ იგრძნო არა-ჩვეულებრივი აღელვება სალდათებში და ამიტომაც მხოლოდ ათ-ათ კაცს აგზავნიდა ერთად გემისაკენ. რკინის გზის ლიანდაგთან 300 კაცმა მიინც მოასწრო შეკრთება. აქ ააფრიალეს წითელი დროშა, რომელზედაც ეწერა: „გაუმარჯოს სოციალიზმს! ძირს სალდათობა, გაუმარჯოს სახალხო მილიციას! ძირს თვითმპყრობელი მთავრობა, გაუმარჯოს რესპუბლიკას!“ ახლად გაწვეულმა სალდათები ყვაროდნენ: „ძირს მეფე; გაუმარჯოთ მარჯოს ხალხის მმართველობას! ძირს სალდათობა“ და სხვა! პოლიციამ ვერ გაბედა ჩერეულობა. როცა ყველა გემში ჩასხეს, — კვლავ ააფრიალეს წითელი დროშა და 2,000 კაცის მკერ-

რდიდან მედგრათ ამოდიოდა მრისხანე სიტყვები: „ძირს მთავრობა, ურა!“ ბათუმის კომიტეტმა ამის გამო 1,500 ცალი პროკლამაცია გაავრცელა. პოლიცია ფეხზე დადგა. კიდეც მოვლოდენ დემონსტრაციას, უფრო დიდს და საშინელს. 22 ნოემბერს დილის 4 საათიდან „პერესილნაიას“ ჯარი შემოართყეს,—კაზაკები და ქვეითი ჯარისკაცები. გუბერნატორი დრაგინი და პოლიცმეიტერი მათეუა „დარბაისლით“ დასერილობდნენ. საზოგადოებაც ძლიერ აღელვებული იყო. მთელი ქალაქი ფეხზე იდგა: არა-ჩვეულებრივ „ბუნტს“ მოვლოდენ.

გურიიდან გეწერენ: ამ ცოტა ხანში ჯუმათის მონასტერში ვილაცებმა „სასწაულთ-მომქმედი ხატი“ დაამსხვრიეს. არაფერი სამკაული და არც ფული არ წაუღიათ. ამიტომ ფიქრობენ, ალბათ, —რევოლუციონერების მოქმედებააო; ესეც ჯაფარიძის პოლიტიკის ნაყოფი: აწი კიდეც აშინოს ხალხი „ძლიერა ხატის“ წინ ფიცით და მათი ერთგული შვილები ნაძალადევით გააცემინოს!!.

ს.ო.ფ. ახვიატა (თბილისის ეზბ.).

1900 წელს, როგორც წინა წლებში, ს. ახ. ხატის, ბორჩლოს მაზრის, თბილ. გუბ. გლეხები შეეკვრნენ პირობით იქაურ მემამულეს თავად ბარათაშვილს, რომლის ძალით გლეხებს თავადისათვის უნდა ეხადათ წლიურად 2,000 მანეთი. გლეხებისა და თავადის მამულები ერთმანეთში არეულია (череполощины), რაც მემამულისათვის არ არის მაინც-და-მაინც ხელ-საყრელი. ამიტომ მისი 1903 წელს თ. ბარათაშვილმა წინადადება მისცა გლეხებს: მომეცით ეს თქვენი ადგილები და სამაგიეროთ იმნაირსავე ადგილს სხვაგან მოგცემთო. მწარე მაგალითების გამონაცადმა გლეხებმა იცოდნენ, თუ ვისთვის ზრუნავს ეგრედ წოდებული რუსეთის კანონები და მოტყუების შიშით თავადის წინადადება გადაჭრით უარყვეს. თავადმა გადასწყვიტა ძალით იქნება თუ ნებით აესრულებია თავისი სურვილი და ამ მოსაზრებით დაუწყო გლეხებს შევიწროება და დევნა; აუკრძალა გლეხებს ხილზე სიარული, იმ ხილზე, რომელიც თვით გლეხების გაკეთებული იყო. როცა გლეხები არ დამორჩილდნენ ამას და სიარული ხილზე მაინც განაგრძეს, თავადმა თითო სულ საქონელზე და კაცზე 40 კაპ. გადასახადი შემოიღო. მაგრამ ამ ზომამაც ვერ გასჭრა. მაშინ ბარათაშვილმა გამოუცხადა გლეხებს, რომ სამოვარი ადგილების ფასს ეუმატებ და თუ გასურთ ისარგებლოთ გადახადეთ, თუ არა და ეხლავე გარეკეთ აქედანო. გლეხებმა არა თუ გადაიხადეს რამე და გარეკეს იქიდან საქონელი, წინააღმდეგ განუცხადეს თავადს, რომ არც ერთ კაპეის აღარ ეიხდით სამოვრის ფულსო. გაშფოთებულმა მემამულემ მოიწვია სტრაენიკები, მაგრამ გლეხები, გლეხის ქალები და ბავშვებიც შეიარაღდნენ რითაც შეეძლოთ და გამხეცებული პოლიციელები დაირყვეს სოფლიდან. მთავრობა შეერთა. ეს რა ამბავია? ყოველთვის მეფისა და სისხლის მწოველების უტყუი მორჩილი სოფელიც-კი ამო-

ბოქრდა. ასეთი გაბედულება, როგორც თვითონ გლეხები ამბობდნენ, მათ შეიძინეს იმის შემდეგ, რაც გაიგეს, რომ თბილისში და სხვა ქალაქებში, გურიაში და სხვა სოფლებში მათი მოძმეები სამკედრო სასიკოცხლოთ შესკიდებიან მემამულებს და გახრწნილ მთავრობას. გათავდა შეიქმნა, რომ გლეხებმა საჩივარი შეიტანთ თავადზე. მათ კიდეც ეგონათ, რომ თავადმა ვაჭრე მთავრობის მოსამართლე სამართალს მოიპოვედნ და გლეხთა საზოგადოთ მშრომელთა ინტერესებს დაიცვენ მართლმსაჯულები. მაგრამ ამ ამბების შემდეგ მათ ეს რწმენაც დაკარგეს და აღიქურვენ ზიზლით მთავრობისადმი და საშველი ძალა ისევ შეერთებაში პოვეს. თავ. ბარათაშვილთან დადებული უკანასკნელი პირობა ამნაირი იყო: წლიური იჯარის ფული 3,000 მ., პური სამესამედოთ და თივაც სამესამედოთ; ამას ზედ დაუმატა ვითომდა ნაზარალევი, 2,000 მანეთი და ამნაირათ უანგარიშა 5,000 მანეთი; შეიტანა საჩივარი და გამოიტანა აღმასრულებელი ფურცელი. 11 ნოემბერს ადრე დილით თავადის სტრაენიკები შემოერტყენ სოფელს და მუქარით უთხრეს გლეხებს ფეხი არ დაეძრათ სოფლიდან და საქონელი არსად გაერეკათ. რამდენიმე საათის შემდეგ მოვიდნენ სასამართლოს ბოქაული და მაზრის ბოქაული მაკროპულო 50 კაზაკით. შესვლისთანავე სოფელში, მოიხმეს მამასახლისი და უწყალოთ სცემეს იმიტომ რომ ბრძანება არ აესრულებია (ნაბრძანები იყო მთელი სოფლის საქონლის მორეკა). ხუთი კაზაკი მთებში გაგზავნეს საქონლის მოსარეკათ, მხოლოდ სასამართლოს ბოქაულმა დაიწყო აღწერა გლეხების ავლა-დიდების და დარჩენილი საქონლისა. გათავა რა ეს საქმე, ბრძანა: წაასხით ბაზარში საქონელი გასაყიდოთ. ქალები და ბავშვები გადაელობნენ წინ, სტაცეს ხელი საქონელს რქებში და დაიწყეს საბრალოთ ყვირილი: „გვიშველეთ, გვცარც-ვავენო!“ ბოქაულმა განკარგულება მოახდინა და ქალ-ბავშვთ ცემა დაუწყეს მათრახით, მხოლოდ როცა მამაკაცები ჩაერივნენ მისაშველებლათ, გაისმა თოფების გრიალი და ხუთი მკვდარი და მრავალი დაჭრილი დაეცნენ მიწაზე. მოკლულთა შორის ერთი ორსული ქალიც იყო ტყვეთ გახვეტილი. მაზრის უფროსმა შანშიევმა დაუყონებლივ აცნობა თბილისში, რომ გლეხები წინააღმდეგობას გვიწვენო, მხოლოდ თბილისის მხეცმა პოლიციელებმა დაუყონებლივვე უპასუხეს: ეხლავე ეგზეკუცია ჩაყენეთ სოფელშიო და ორასი კაზაკიც მიაშველეს. თავადი ბარათაშვილი, როგორც სტუმართ მოყვარე მემამულე, დიდებულათ მიეგება კაზაკებს. გამოიწერა ფურგუნით სასმელები, სანოვარე, დახოცა ძროხები და ცხვრები და სასიქადულო მასპინძლობა გაუწია მეფის მოახლეებს. დამაძლარნი და გაღეშილი კაზაკები შეუდგნენ ეგზეკუციას. —გაიყვენ 8 ნაწილათ და რამდენიმე მხრით დაესხნენ სოფელს. აუწერელია ის სურათი, რომელსაც ამ მხეცების მოქმედება წარმოადგენდა. ამხეგრედნენ კარებს, ცარცავდნენ ყველას, სცემდნენ კაცებს, აუბატურებდნ ქალებს... ქალების მორთულობას და ღირბის გროშებს იტაცებდნენ, ხოცდნენ ცხვრებს და ძაღლებს უყრდნენ საკმელათ. მერმე შემოერტყენ

ცარს სოფელს და აქ გაჩნდა საოცარი სენახობა: თვითონვე გლეხს კახაყები ერთმანეთს გადასცემდნენ საცემად და, რა გაივლიდა ყველას ხელში საცოდავი მსხვერპლი თავისუფლდებოდა. გლეხები გარბოდნენ სოფლიდან მახლობელ სოფლებში და ეხლა სოფელში სულური აღმართი არ მოპოვებდა; იქ, სადა ახოვრება ღელდა და გადმოღოდა, იღეს ყველ მიღუნებულა. მასრას ბოქაული ამის შემდეგ იქადა: „ახაბა მიწისთან გავსწორეთ, აქ აწის შემდეგ ბალახიც ვერ იხიერება...“

ასეთი ღარბევა მოგვგონებს ძველ დროს. როცა რომელიმე ატტილა, ნუ მონგოლების ხანი თავს ესხმოდა ზეობელ ერებს. დაიჭირეს 200 კაცი, 3 დღე მშიერი აყურყურეს ციხეში; მათში ვაჟიარჩიეს 14 კაცი და გაამჯავრეს თბილისის ციხისკენ. დატუსაღებულთა შორის ერთი ადგილობრივი ღვდელცაა ერზიკანი, რომელსაც უღმობელათ სცემეს და ჩასქედეს ჯორკილებში. ეს 14 კაცი გადაეცემა სსამართლოს მთავრობასთან შეიარაღებული წინააღმდეგობისათვის!

ბ ა ქ მ.

წერილი ბალახანიდან.

(შთაბეჭდილებანი)

მე მუდამ განცვიფრებული ვიყავი იმ გარემოებით, თუ როგორ ადვილად შეეჩვევა ადამიანი ცხოვრების აუტანელ პირობებსაც-კი. მაგრამ არასოდეს ეს ჩემი შემეცნება ისეთი ძლიერი, ისეთი ცხადი არ ყოფილა როგორც ბალახანაში. პირველად რომ მოვედი, ვერ წარმომედგინა, თუ აქ ცხოვრება შეიძლებოდა, ცხოვრება ერთგვარი დღე კი არა, არამედ მთელი თვეები, მთელი წლები. იცხოვრო უსუფთაო ჰაერზე, ჩამოხრელებულ ცის-ქვეშ, იცხოვრო ნახევრად მშიერი, იმუშაო მთელი წელიწადი განუწყვეტლად დღიდან საღამომდის, მოიკლა წყურვილი აყროლებული წყლით. რა საშინელება!..

ეს რაღაც დაწყველილი ადგილია... მთელი დღე დაღვრემილი დავხეტებოდი საჩუქრელო ადგილებში, რომ რაიმე თვალის გასართობი მენახა... ტალახიანი ქუჩები, ქენჭყრიანი ტბები, აყროლებული სარდაფები, რუხი, პატარა ქოხები, ღუქნები, საჩაიები, ფურნები... ყველგან, საითეც-ც უნდა გაიხედო, ვიწროობაა, სიბინძურეა, ტალახია, აშმორებულია, სავსეა მწერებით და აყროლებული ლეშით... ყოველი სულდგმული, კატიდან დაწყებული ადამიანადან გათხუპებული ტალახით, გაჟღენთილია ნავით, მკვარტილი... ერთ სუფთა სახეს, ერთ სუფთა ტანთსაცმელს ვერ შეხედება კაცი! ღმერთო ჩემო, რა სარდაფებია, რა მუშების ბინებია! რა მონობის სურათებია! ადამიანს ეგონება რაღაცა ბოროტსა და ბინძურ ძალას ჩაუყრია ამოდენა ხალხი, როგორც მატლები, აყროლებულ ორმოში და ყველას, ვინც-კი მოინდომებს ამ ორ მოღან ამოჩრდეს, ეს ძალა ხრჩობს, ანადგურებს, ასახიერებს, მათრახებთ ზურგზე ბოლს ადენს, ტყვიით ხერტს, შამშილით კლავს, ამწყვედეს ციხეებში, ამგზავრებს შორეულ ციხიერასკენ.

მე-კი ეს მხოლოდ მძიმე მაჯლაჯუნა მგონია!.. დაბა, მაჯლაჯუნა, რომელიც მალე აღიუზნება დედა-მეწის ზურგიდამ.

მუშათა შემეცნება გამოუხიზლდა, მათ უკვე დაწყეს ენერგიული ბრძოლა თავისუფლებისათვის, ბრძოლა მონობის წინააღმდეგ. იგინი თან-და-თან უფრო მედგრად თბულობენ ცვალებას, თბულობენ, რომ მილონების მცირე ნაწილი მიიწი იხარჯებოდეს მათი ყოფა-ცხოვრების გასაუმჯობესებლად. ახლა-კი ეს აჯიარებული სამდიურე იუზანგება ძვირფასა და გამაჟსადეარ ფუნებაში, გარყვნილებაში ნობელების, როტშილდების, მანთაშეების და სხვანი სსახელების აგებაში; აუარებელი სამდიდრე უფარდებთ ხელში მოხერხებულ ზღუტებსა და მაწანწალებს, იფლანგება პოლიციის, მხედრობის და მართვლობის წესანაზად, — ხალხის უსაღვლეს მტრებს.

აქ-კი ათასობით იფლობიან ტალახში, იხრჩობიან ბოლში, ივლიტებიან გადამდები სენით... და ყველა ეს ვისთვის!

მდიდრეზობის, მათი გაუმაძღრობისათვის, მათი ბედნიერებისათვის, მათი სახელისათვის!

მეგობრებო, ჩქარა, ორმოდან! მალე სუფთა ჰაერზე!

საზოგადოების მიმართ.

ზაქოს წითელ ჯვრის კომიტეტი თავის მოცულობად რაცხს მიწოდოს საზოგადოებს ოქტომბრისა და ნოემბრის ანგარიში. დატუსაღებულ პოლიტიკურ დამაშავებით ყოველგვარ საქიროების დაკმაყოფილება მეტად გაძნელდა, მათი რიცხვი-კი თან-და-თან მატულობს; ეტყობა გაგზავნილთა მთავარი უნების კედლებში წელს აღები ამოყოფენ სოლზე თავს, კამპანებ მუდამ სისვეა, არასოდეს ცარიელი არ რჩება; დამკვიდრებულთა 0,9-ს არავითარ საღსარა ვერ მოეპოვება; მრავალია უფულოდ; არ მოეპოვებათ საკმაო ტანთ-საცმელი, ასე გაშინჯეთ საცვალ-კი, საზრდობენ ცუდი და მძიმე საკმობი. სცივთ, შიბთ, მაგრამ მიუხედავად ამისა, უმცირეს მსნეთ იტანენ სატუსაღოს რეჟიმის ყოველნაირ სისაძაღლეს იმ იქედით, რომ მომავალი გათის, სწამთ, რომ უნაყოფოთ არ ჩაუვლია მათ მოღვაწეობას. ვისაც ციხიბრში გზავნიან, იმათი ტანჯვა-წვალების ხომ ენით ვერ გამოთქვამა ადამიანი, კალმით ვერ დასწერს. რამდენი უბედურება, რამდენი დავიდარება, რამდენი დაბრკოლება უნდა გადალახოს ციხიბრის გზაზედ ადამიანმა? ნუ თუ პეტროსან მოქალაქს შეუძლია დამხედებით უყუროს ამ საუკეთესო ხალხის ტანჯვას? განა შესაძლებელია მიაი გული არ შეტოვდეს, როდესაც ხედავს, რომ თავისუფლებისათვის თავ-განწირულ მებრძოლთ ასახიერებენ რუსეთში თავისუფალი აღზრის ჯალბთნი, როდესაც ადამიანის უფლება ასე ფხე-ქვეშ ითელება და ყველა დაუსჯელათ გამეფებულია გათხიხიერებულ პოლიციის თვითნებობა? ნუ დავივიწყებთ ამას, მუდამ გვასსოვდეს ეს... ყველა პოლიტიკური მებრძოლი ხომ საუკეთესო ხალხის ძალის წარმადგენელია, ისინი განურჩევლად ეროვნებისა, შეხედულობისა და პარტიის, მედგრად ებრძვიან მართებლობის თვითნებობას და

მხოლოდ პათ კისერზეა მძიმე ტვირთი უთანასწორო ბრძოლისა.

აი, სწორედ ახლაა უფრო საჭირო მეტი დახმარება გაუწიოთ ციხეში მჯდომ ჩვენს მეგობრებს, ფულით, ტანთ-საცმელით და საცვლით. ვისაც-კი მოქალაქის უფლება და მოვალეობა შეუგნია, მოვალეა შეიტანოს ყოველ თვიური გადასახადი წითელი ჯვრის სასარგებლოთ.

ბაქოსა და მაზრების სატუსაღოებში სხედან 29 კაცი:

ა. სამარავეი, ნიკ. კორენევი, ივ. რომანოვი, მ. მირზაიანი, კონ. აირუშოვი, თედ. ჟდნოვი, ფ. ეუკერტი, მ. მაკლანოვი, დ. საულიანი, თ. ბაკლანოვი, ივ. ბეიდელიანი, არ. არაქელოვი, პოლომოვი, მ. კონსტანტინი, დიმ. მუკასევი, ალ. ყელევი (მუშები); იულ. გროგლიაჩევსკი, ს. გურკევი (დოქტორი), ეგოროვი და არშაკ (ასოთ-ამწყობი), ელ. შვეიცერი (ინტ.), კ. გროშევი (ინ. გამოშ.), ანა რატნერი (ინტელ.), ოლა რუბცოვი, სოლ. ვირნოვსკი, გინზბურგ (ინტ.), მიხ. ბრაგა (შემახ. სატუსაღოში), ბიქ. ლევი, პეტ. მოყან, (ლენქორანის სატუსაღო). ბაქოდან გაგზავნეს ეტაფით: აბრამ ეიზენბერგი, სოფიო გინზბურგი (ინტელ.), გაგზავნილნი არიან 3 წლით ღმოს. ციხეში, ბავ. ავაკიანი, ბავ. ბაგორიანი, სერ. ასირიანი (არხანგელის გუბერნიაში 3 წლით). გაშვებულნი არიან ყველა ისინი, ვინც სომხის ეკლესიასთან მომხდარ არეულობაში მონაწილეობა პიილეს. ორი თვის განმავლობაში ოქტომბერს და ნოემბერს ბაქოს წითელმა ჯვარმა მიიღო 421 მ. 60 კ. ღიახარჯა 501 მ., — დეფიციტა — 79 მ. 40 კ.

თფილისის ქაღნიკა.

10 დეკემბერს ტბილისის რკინის გზის სხვა-ლოსნაო მუშის ერვანდ არაქელოვის დასაფლავების დღეს, 10 საათზე დილით, შეგროვდა ავლაბარში, პეტრე-პავლეს ეკლესიის მახლობლად, სამსახდის მუშა ხალხი. მიზეზი მუშათა სიმძირისა ქუჩის უცოდინარობა იყო; ბევრმა ვერც კი იპოვეს, საიდან გამოასვენებდნენ მიცვალებულს. სათის თერთმეტის წახეარზედ გამოასვენეს ცხედარი კახეთის ქუჩაზედ და ავლაბრის მახლობლათ გრიგორიანთა ეკლესიაში მიასვენეს. აქ წირვის ბოლომდის დიდძალმა ხალხმა იმატა, დაახლოებით — 500—600-მდის; იქვე ეკლესიასთან გაიშართა აგიტაცია. ხალხის უმეტესობა ქარხანა-ფაბრიკებიდან იყო. წირვის შემდეგ წაასვენეს ღოჯიფანქის სასაფლაოზე. ამ დროს არც მთავრობის ძინება. სასაფლაოს მახლობლად ჩაესაფრებია კაზაკები, მოშორებით იდგენ პოლიციელები. მიცვლებულის საფლავზედ რამდენიმე სიტყვა წარმოითქვა რომელშიაც ორატორები არკვედნენ მუშათა მოძრაობის მნიშვნელობას და სოციალისტურ მოძღვრებას. ამ სიტყვებმა მეტად დიდი შთაბეჭდილება მოახდინა ხალხზე; დაკრძალვის შემდეგ მწყობრათ და ღინჯათ დაიშალა ხალხი და თან ხმა-შალა გაიძახოდა: „ძირს თვითმპყრობელობა, ძირს, მცარცელები, ექსპლოატა-

ტორები, გაუმარჯოს პოლიტიკურ თავისუფლებას, გაუმარჯოს სოციალიზმს“. ადმინისტრაცია პირში ჩალა-გამოვლებული დარჩა, რადგან ჩაჩევა ვერ მოახერხა. ალბათ სხვა რასმე მოელოდა.

მუშის წერილი.

5 ანვარს ერთხელ კიდევ დაინახეს მუშებმა რუსეთის თვითმპყრობელობის მზრუნველობა მათ-დაში. უდროოთ დაკარგულს ამხანაგს აცილებდნენ საფლავზედ გულ-დამწვარი მეგობრები — მუშები. ოთხასი კაცი ბეკედით გასს შემორტყმოდა მის საფლავს: „ამხანაგებო“, დიწყო ერთმა ორატორმა, — „ეს საფლავი ღირსია თქვენი ყურადღების, ღირსია ხუთის წლის მეგრძოლი, მუშათა ინტერესების დაუღალავი ქმავი...“ აქ სიტყვა გაწყდა, რადგან საზიზღარი თვითმპყრობელობის დამქაშმა ბოქაულმა, არა ერთხელ მუშების სისხლით გასვრილი ხელი, წაუპოტინა ორატორს დასაქვარად. მაგრამ ძმურმა პროტესტს ხმამ, ოთხასი კაცის განრისხებულმა მუქარამ, გააშეშა ბილწი მხეცი და თავისი სურვილი არ შეასრულებინა. ამხანაგებო, — სიტყვა მეორემ, — „თუ აქ არ გვამდევნენ სიტყვის თქმის ნებას, დავიშალოთ“. მუშებმა წყობრათ გამოსწიეს და საფლავზე დარჩნენ მეფის რამდენიმე მსახურნი; ესენი დღონებული დასცქეროდნენ საფლავს, თითქო გრძნობდნენ რომ მუშების მძლავრი ხელები ახლო მომავალში ასეთსავე საფლავს გაუთხრის მათ. მუშები სახლებისკენ გაეშურნენ. გზაზე ხალხი შეჩერდა ორატორის მოსასმენად; ორატორი არკვედა, თუ რათ ეშინია ბილწ მთავრობას თავისუფალი სიტყვის ისე, როგორც დამალულ ყაჩაღს დღის სინათლის. ამას შემდეგ მუშებმა მარსელიოზა იმდერეს. მართალია ეს სიმღერა არ იყო მწყობრი, ვერ ამოდიოდა მრავალ შრომა-წვალეობით დატანჯული მკერდიდან ნაზი ხმები, მაგრამ სამაგიეროთ ამ ხმებში მოისმოდა რწმენა, რწმენა შეუდრეკელი, რომ ახლო მომავალში უნდა დაიშნეს დამპალი თვითმპყრობელობა, უნდა მოვიპოვოთ პოლიტიკური თავისუფლება და დავამყაროთ დემოკრატიული კონსტატუცია!

მ. თმლაძე (თბ. გუბ.).

ამ პოლო დროს რევოლუციონერმა მოძრაობამ ჩვენში იჩინა თავი. ხალხმა უკვე შეიგნო თვისი მდგომარეობა და ყოველ შემთხვევაში ცდილობს შეებრძოლოს თავის დამყარებულ, გამოუცხადოს მათ უკმაყოფილება და ზიზღი... ამას წინათ — 15 ოქტომბერს აქ გაიფიცნენ „ბონდარები“ (ბოქის მკეთებელი მუშები), რიცხვით 12 კაცი. რადგან ბოქების ფსმა აიწია და მათ-კი ისევ ჩვეულებრივი ფასი (3 მანეთი) ეძლეოდათ თითო ბოქის გაყვებაში, — ისინი თხოულობდნენ ხაზინებისგან ერთი მანეთის მომატებას. გაფიცვის პირველი დღე მშვიდობიანათ ვათავდა. მეორე დღეს-კი პოლიციამ თავის წვეტურ ზომებს მიმართა: მუ-

შესს მოსთხოვა მუშაობის დაწყება, რაზედაც უკანასკნელმა უარი განუცხადეს. მაშინ ბოქაულმა შეყვარა: „შეპოვეთ ევნი და ცირის ბანოში წაახდინეთ“. მხეც მოხელის ბრძანების ბრმა აღმასრულებელ დაბალ მოხელეებმა ჩააფლეს მუშებს ხელი და პოლიციაში წაიყვანეს. მაყურებელი ხალხი გაშმაგებული უყურებდა ამ მხეცურ ბრძანებას აღსრულებას და ის იყო უნდა მივარდნა საცემრად გამხეცებულ ბოქაულს,—ამ დროს მის სახსენლად გამოჩნდნ „სტრატეგიები“. ცუდლუტი ბოქაული მაინც მაიპალა მახლობელ სახლში.. დაპატიმრებული მუშები ოთხი დღის შემდეგ გაანთავისუფლეს. ხაზენებმა-კი ურთ-ერთ შორის ხელშეკრულობა დასდეს, ხელ-ფასი არაფრის გული-სათვის არ აღწიოთო. მაგრამ, ჩქარა იძულებული გახდნ დაეთოთ,—და წინანდელი 3 მანეთის მაგაერ ახლა მუშები 4 მანეთს იღებენ თათო ბოქკის გაკეთებაში.

ამნაირათ, მუშებმა გაიმარჯვეს, რადგანაც შეერთებული ძალ-ღონით შეებრძოლენ თავიანთ სისხლის მწოველთ და არ შეეშინდათ არც პოლიციასა და არც ციხისა!..

გ ა თ უ მ ი.

23 დეკემბერს ცნობილ გარყვნილ გაზეთ „Черноморский Вестник“-ის რედაქტორს პალმსუნ-და ეთამაშნა სცენაზე. მაგრამ იქვე მყოფმა მუშებმა თეატრში არეულობა მოახდინეს და პალმსუნ-ნიდან განდევნეს კულისებში, საიდანაც მალე გააპარა სახლისაკენ გუბერნატორის თანაშემწე სლავოჩინსკიმ. ამ აშკარა პროტესტით, ბათუმის მუშებმა, კიდევ დაუმტკიცეს მეორეჯერ პალმს, რომ იმათ არ შეუძლიანთ მოითმინონ გაიძევრა და თვითმპყრობელობის ლაქების საზოგადო საქმეში ხელის ფათური. ექვი მიიტანეს რამდენიმე კაცზე და კიდევაც დაატყვევეს შვიდი მათგანი, რომელთაც მიუსაჯეს 21 დღე ციხეში ჯდომა.

გასულ წლის ნოემბერს მინის*) როტის ერთი სალდათი, აჩქაფო იაშვილი მთავრობამ შენიშნა, რომ ის სალდათებში არა-ლეგალური გამოცემეებს ავრცელებდა. ჟანდერმებმა ის დაუყონებლივ დაატუსაღეს სამხედრო ციხეში. დაიწყეს კვლევა-ძიება, აქეთ-იქით გამოკითხვა და წანწალი. მაგრამ, დახეთ მთავრობის უბედურებას! მეხუთე დღეს მკვირცხლი რევოლიუციონერი სალდათი, რომელიც „სტრატეგია“ კამერაში იყო ჩამწყვედელი, გაუსხლტა ხელადან მთავრობას. მან გასჭრა ფანჯარაზე დახლართული რკინები და უშველა თავს, სრულიად შეუნიშნავათ, მიუხედავად იმისა, რომ ოფიცერი და სალდათები იქვე უდარაჯებდნ დატუსაღებულს. ამავე ღამეს გაიქცნ ამ როტიდან ოთხი სალდათი: ორი რუსი და ორი ქართველი, რომლებსაც ჟანდარმები დაქერას უპირობდნ, მთავრობა დარჩა პირში ჩალა-გამოვლებული. ბევრი იწრიალ-იწანწალა, დიდი სიკაცრით მოეპყრა იმათ

* კრაფ-ასაფეთქი.

ამხანაგ სალდათებს, მარა მათი ნამდვილი გზა ჯერ ვერ მიაკლიეს, და აწიც, იმედია, ვერ მიაკლევნ.

გ უ რ ი ა. (ქუთ. გუბ.)

გასულ წლის 31 დეკემბერს დასაფლავეს ს. ნიგოთში არსენ ორმოცაძე, რომელიც უკანასკნელ დროს იყო დატუსაღებული გურიის მოძრაობის გამო. ფაზიკურად სუსტი ახალგაზდა კაცი რვა თვის ციხეში დატუსაღებამ სრულიად მოსწყვიტა წელში. როდესაც დაინახა მთავრობამ, რომ მისი ღლები დათვლილი იყო და დიდ საშიშარ მტერს აღარ წარმოადგენდა ის მისთვის, განთავისუფლეს. თვენახევარს აღარ გაუვლია განთავისუფლების შემდეგ, რომ კიდევ მოსწყდა ამ სოფელს. დიდი ხანია რაც არსენი ეკუთვნოდა იმ რაზმს, რომელიც შრომობს და იღვწის ხალხის განთავისუფლებისათვის, რომელიც ებრძვის ყოველგვარ უსამართლობას და ძალ-მოპყრობას. სკოლაში უსწავლელი კაცი თავისი ენერგიული მეცადინეობით გახდა მტკიცე და შეგნებული რევოლიუციონერი. მან თვალ-საჩინო სარგებლობა მოუტანა ხალხს და ეს ხალხი არც დაივიწყებს მას. ბევრი მზურვალე და მგრძნობიარე ცრემლები დაიდვარა განსვენებულის საფლავზე, ბევრი მზურვალე სიტყვები წარმოსთქვეს მისმა ამხანაგებმა, რომლებმაც საკმაოდ დიდ-ძალ დაამსწრე ხალხზე ღრმა შთაბეჭდილება მოახდინა. საუკუნო იყოს ხსენება შენი ხალხის გულში, პატიოსანო და მებრძოლო ამხანაგო!

ნოემბრის უკანასკნელ რიცხვებში სოფ. ზომლეთში ერთმა წრეში მყოფი კაცის მამამ პოავრობის ძალ-დატანებით, ეასცა წრის წევრები და წარმომადგენელი. წარმომადგენლობას სწამებენ გიორგი მახარაძეს, რომელიც უკვე გაუსხლტა პოლიციას ხელიდან და წავიდა სადღაც. სამაგიეროდ მამა დაატუსაღა ადგილობრ ვმა ბოქაულმა.

ძლიერ დიდი შთაბეჭდილება მოახდინა გაიძევრა ჯაშუშებზე გურიის კომიტეტის მიერ დაბეჭდილმა და გავრცელებულმა „ჯაშუშების სიამ“. ყველა გამოუთქმელ შიშმა შეიპყრო და არ იცინა, თუ რა გზით და საშვალებით გაიმართლონ თავი ხალხის წინაშე. მარა იმათი ცდა ტყუილია ხალხი კარგად იცნობს თავის მოღალატე მტრებს და შესაფერი საწყაულით მიუწყავს ყველას სამაგიეროს, როცა დრო მოვა. რაც უნდა უდანაშაულო ცხვრებათ მოაჩვენონ თავი ქელბაქიანებმა და წერეთელ-ჯაფარიძეებმა, (პოლიციის გაიძევრა მსახურები და მათი დამქაშები) იმათ მაინც ვიცნობთ...

ქ უ თ ა ი ს ი

კვირას, 9 ნოემბერს, გასულ წელს, ს. დიდ-ჯიხაიში არა-ჩვეულებრივ მოვლენას ვხედავთ. ქვეშეთის ეკლესიის გალავანში მიაბარეს მიწას მიცვლებული მუშა. მკვდრის გამოსვენების დროს, რამოდენიმე სიტყვა წარმოითქვა, ნაშუადღევს სი-მი საათი იქნებოდა, მცხედარი რომ ეკლესიაზე

მოსვენეს. პროცესსა თან-და-თან დიდდებოდა, სოფლიდან მოსულ მაყურებელ ხალხით ეკლესიის გაღვანი გაქედოლი იყო. ცხედრის დასაფლავებას ჰკლდელა არ დასწრებია. აქაც რამდენიმე სატყუა წარმოითქვა, რომლებითაც სასტყუათ დაგმეს თანამედროვე რეჟიმი. მაყურებლებზედ ამ სატყუებში მეტად ღრმა შთაბეჭდილება მოახდინა. პროცესიას მოხუცებულუბაც დაესწრენ, რომელნიც დაფაქრებულად, თანაგრძნობის კილოთა ერთმანეთს ეუბნებოდნენ: „რას მოვესწარათ ამასო“. დახ, ამ მაგალითზე გამოაფიზლა ბევრი. ეს ამბავი სოფლად ყველგან მოედო; ბევრიდგან უხერო ძველი ჩვეულებათა გმობა გაისმის. მღვდლებისადმი სიძულელი ხალხში თან-და-თან ძლიერდება. როგორც გადმოგვცეს, გვარდიის ახალგაზდა აფიცრს—გრიშა ლორთქიფანიძეს სადაც ჯერ არს „დანოსიც“ კი გაუგზავნია ამ ამბავის შესახებ. ეს აფიცერი დიდი-ჯიხაშელია (რუსეთში მსახურებს) ცნობილ ჯაშუშის ქაიხოსრო ლორთქიფანიძის შვილია, იმ ქაიხოსროსა, რომელმაც გუბერნატორს (ჯიხაშში ყოფნის დროს) პატივისცემის ნიშნათ მუხლ-მოდრეკით ხელებზე ემთხვია.

ნიმუში მთავრობის ძალ-მოგერიებისა.

1902 წ. მარტში გაჩხრიკეს და დაპატიმრეს თბილისში პ. ბიბინიშვილი. გაჩხრიკის დროს უნახავთ და წაუღიათ თბილისის ფისტა-ტელეგრაფის კონტორასთან არსებული შემნახველი კასის კნიჟა № 14411, რომლითაც კასაში სხვა-და-სხვა დროს, 4 წლის განმავლობაში შეუტანა 735 მან. (პროცენტებით 800 მან. აღწეეს ახლა თურმე). საზიზღარ ჟანდარმს ლავროვს ეს ფულები „მუშის კასათ“ მოლანდებია. პატრონის ჩვენება უყურადღებოთ დაუტოვებია და კნიჟა წაუღია. 4 თვის შემდეგ ბიბინიშვილი გამოუშვეს პოლიციის მხედველობას ქვეშ და კნიჟა-კი არ დაუბრუნეს, თუმცა თხოვნებს თხოვნებზედ გზავნიდა. მას შემდეგ წელაწად-ნახევარზედ მეტმა განვლო და კნიჟა-კი მოგზაურობდა სხვა-და-სხვა ინსტანციებში. ჟანდარმებმა, პროკურორმა, გოლიცინმა, მურავიოვმა, ფონ-პლევემ, ყველამ ინახულა და ბოლოს ნიკოლოზ II-სთან მიიჩნა; მან ბრძანა: ეს ფულები, როგორც მთავრობის საწინააღმდეგო მიზნისთვის დანიშნული ხაზანას გადაეცესო („как предназначенные против правительственных действий обратить в доход казны“). აი სადამდი აღწევს რუსეთის გარყვნილი მთავრობის თვითნებობა! და ამის შემდეგ ვინაა თავდები ხვალ და ზევ არ მოდებენ მაგვარ შარსსებებსაც და არ აწაპნიან თუ რამ აქვთ დაზოგვითი მთავრობის კასებში? რა ენადლეობათ ლავროვებს: გარდა იმისა, რომ ნახევარს თითონ მიისაკუთრებენ—ჩინები და ორდენებიც ცალკე.

მუთაისი. ღელავს ქუთაისის სამეურნეო სკოლის მოწაფე ახალგაზდობა, ღელავს და იბრძვის თავისი შეღახული პიროვნების დასაცავათ, სკოლის გამგეს, მთავრობის-მიერ დანიშნულ მოხელეს ლიუბინცის გადაუწყვეტია დაუხშოს ახალგაზდობას ყოველი მალალი სულიერი მოთხოვნილება: მოუს-

პოს საზოგადოებრივი ცხოვრების შეგნების სურვილი და მით თავისი აუტანელი პირობების შეგნების სახსარი! ამ მიზნის მისაღწევათ აუტანელ შრომას ავალებს ახალგაზდა მოწაფეები: პრაქტიკული მუშაობა სკოლაში იწყება დილის 6 ს.—9 საათამდე, როდესაც დაღლილ ყმაწვილებს კლასში სამეცადინოთ მიერეკებიან. 1 ნახევარ საათიდან—2 ნახევრამდე საღლა, საათ-ნახევარი შესვენება და შემდეგ დაღამებამდე ისევ პრაქტიკული მუშაობა! ასეთი პირობები კიდევ უფრო აუტანელი შეიქნა შეგრძელებისთვის, როცა ჯაშუში და ზნეობრივად გახრწნილი მასწავლებელი ჯაფარიძე დანიშნეს შრომის ხელმძღვანელათ. ლანძღვა-გინებამ, დაბეზება, მექარამ, აუტანელმა შრომამ და სხვა ათასგვარმა საზიზღარმა საშუალებამ, რომლითაც ეს ვაჟბატონი ასრულებდა თავის ჩინოვნიკურ მოვალეობას, გამოიყვანა მოთმინებიდან მოწაფეები: ისინი ახალგაზდური გატაცებით შეებრძოლენ მტერს: გაიფიცნენ და შესწყვიტეს მუშაობა. თხოულობდენ მუშაობის შემცირებას, მეტ თავისუფლებას, მასწავლებელ ჯაფარიძის დათხოვნას. სკოლის გამგემ პირველ დღეებში ზიზღით და მედიდურათ მოისპინა ახალგაზდების სამართლიანი სიტყვები; მოიწვია პოლიცია და მოწაფეები თავ-თავის სოფლებში დააგზავნია. მოწაფეები ისევ დაბრუნდენ და მიუხედავად მშობლების რჩევისა (ხშირად ცემისაც) და აღმინისტრაციის მუქარისა, თავის მოთხოვნებზე მტკიცეთ იდგნენ.

◆ აქაურ პოლტეკისტერს ლისოვსკის ჩინორდენების ნაცვლად ამ ხანად ორი კვირის „ნაობახტი“ ერგო! ამ გარყვნილმა მოხელემ სცემა გაჩხრიკის დროს „პოლიტიკური დამნაშავე“ მესხი შებორკა ბაწრით და ისე გაიდენა სატუსალოში; ამის გარდა შეურაცხყოფა მიაყენა სიტყვით ციხის უფროსს. ამ სიმხეცისათვის სამსაჯულომ მხოლოდ ორი კვირა დაპატიმრება მიუსაჯა დამნაშავეს! დახე, როგორ სასტიკათ ეპყრობა კანონი მთავრობის გარყვნილ დამქაშებს! ეს ის ლისოვსკია, რომელმაც ქუთაისის ციხეში აუტანელ მდგომარეობაში ჩაყენა ტუსალები. ამას წინათ სეირნობას დროს მავარდა გამგელებული პოლიტიკურ დამნაშავეს—მეგრელი-შვილს და უშვერას ენით აგინა, რატომ თავს არ მიკრავო. მეგრელი-შვილმა დაუყოვნებლივ მიმართა პროკურორს, რომელიც ამ ჟამად იქ იმყოფებოდა და ოქმი შეადგენია. მაგრამ საშარო ლა განა მოსალოდნელია უსამართლო სახელმწიფოში?!—ახლა ლისოვსკი მძვინვარებს და აღშფოთებულია; დაემებს დამნაშავეს ყოველგან და ყოველთვის; ყოველ ფეხის გადადგმაზე მას პოლიტიკურ დამნაშავე ელანდება. მისი მძვინვარების მსხვერპლი გახდა ამას წინათ საშიში პოლიტიკური დამნაშავე, რომელიც მუადღზე ქუთაისის ბუღვარში ხელს იგდეს და დატუსადეს. ეს ტუსალო საჯდომი სკამი გახლავს, რომელზედაც ვიღაც „პროტ-გამხრახველი“ პროკლამაცია ისე მტკიცეთ აცკათ, რომ ვერაფრით ვერ ააძვრეს!..

◆ აღელდა ქუთაისის საზოგადოება თეატრში 7 ნოემბერს, როდესაც წარმოდგენის დროს პროკლამაციები გადმოეყარა—მშვიდობიან თავზე; ჯაშუშმა, სანიღისით მოვაქრე თავადმა მიშა წერე-

თელმა მიიღო თავის თავზე პოლიციელის როლი და რისხვით და მუქარით მოუწოდა პოლიციელებს დაუყონებლივ შემორტყმოდნ თეატრს, დაემწყვდიათ ყველანი და გაეხრჩიათ. გულად მემოარ წინაპრების შთამომავალი თავადი დატრილდა საოპრათ: ჩაღდა „გოროდოვებში“ და... და ჯილდოთ მიიღო ზიზღი, ლანძღვა, ჯაშუშობის სახელი საზოგადოებისაგან, და ჩინ-არდენები მთავრობისაგან, — მაგრამ ეს უკანასკნელი ჯერ კიდევ „პროექტშია“!

ბოროს მახრიდან. (თბილ. გუბ.)

18 ნოემბერს ს. ბერუშეთში ბოქაულმა სტრაქნიკებთ დაუარა გლეხებს და მოსთხოვა ადგილობრივი ექიპის მისაცემი ფული. სოფლის ყრილობამ ერთხმად გადაწყვიტა უარი ეთქვას ბოქაულს ამასზე. ამ უარის მიზეზი ის იყო, რომ ადგილობრივი ექიპი თავად-აზნაურობას მუდმივი სტუმარაა და გლეხის ქონში ერთხელაც არ შეჰვრტეს თავის ნებით და თუ ვინმე საგანგებოთ მიიპატიჟა, სამ მანეთზე ნაკლებს არ ჯერდება. ამას თან დაუერთა, რომ ამ ექიპისათვის გლეხებს გაწერალი აქვთ წლათრა გადასახადი და თქვენთვის ცხადი იქნება, თუ რათ გამოაწვია ბოქაული ბრძანებამ ასეთი სასტიკი წინააღმდეგობა, აშფოთებული პროტესტა. გლეხებმა სამართლიანათ მოისაზრეს, რომ უშჯობესაა ექიპა ქალაქიდან მოიყვანონ საქაროების დროს ანუ თვითონ იარონ ქალაქის საავადმყოფოში. ასეთა წინააღმდეგობა გლეხების, რა თქმა უნდა, არ ექაშნია ბოქაულს და გადასწყვიტა ძალის სჩარება. დაგზანა სტრაქნიკები გლეხების ქონებში იმ იმედით, რომ საზიზღარი და უზნეო ქცევით იძულებულ ყოფენ გლეხებს ბრძანების აღსრულებას. მაგრამ ამ ხერხიც არ გასჭრა. მხოლოდ ერთმა გლეხმა ვეღარ აიტანა და გადაიხადა ხვედრი ფულა. დანარჩენმა გლეხებმა შეიტყვეს რა ეს, დაუყავნებლივ მოთხოვეს ბოქაულს წადებული ფულის დაბრუნება. ბოქაული, რასაკვირველია, არ დათანხმდა, გლეხებმა-კა, მოთმინებიდან გამოსულემა, ფულის მიცემის მაგიერ გვარიანათ დაუხილეს გვერდები ბოქაულს და სტრაქნიკებს და გამოაქუნძულეს სოფლიდან. ახალი თავდასხმის მოლოდინში, გლეხებმა მოახდინეს ყრილობა, რომელზედაც მახლობელ სოფლებიდანაც დაესწრნენ გლეხები. დასდევს პირობა ერთობისა და გადასწყვიტეს ზარას რკის ხმაზედ ყველანი ერთად შეკრებილიყვენ საბრძოლველათ. საღამოს რეა საათზე მობრძანდა ბოქაული და მიიყვანა ორმოც-და-ათამდე კაზაკები. სოფელს ეძინა, მხოლოდ როდენიმე გლეხი მშვიდობიანათ ისდენ ქისკართან. აი ამათ დაესხნენ გამხეცებული კაზაკები და დაუწყეს ჭყყალოთ ცემა. ერთმა მაინც მიასწრო ეკლესიასთან და ჩამორეკა ზარი. მოცვინდნენ გლეხები და გაიმართა ბრძოლა, რომელიც ღამის 3 საათამდე გაგრძელდა, როცა მიბეველიმა ბოქაულმა და კაზაკებმა იბრუნეს პირი და გაქუსლეს, ყრილობამ ისევ წინანდელი დადგენილება გაიმეორა: არ გადავიხადოთ არაფრისათვის და თუ კიდევ ძალის იხმარენ,

ჩვენც წინააღმდეგობა გავუწიოთო. მეორე დღეს სმა როტას კაზაკებისას მოუძღოდა მაზრის უფროსი და შეეცადა სოფელში; ალბათ გუშინდელი ამბით შემფრთხილმა, მაზრის უფროსმა ჯერ აზნაურებს მიჰპარათა; ჩაერით და მშვიდობიანათ მოავარეთ საკმეო. ამათ გლეხებში უნდა განეხლებიათ რწმენა და პატივისცემა მთავრობის: მხოლოდ აღმოჩნდა, რომ ჩვენს თვითმპყრობელობას მეტათ ცუდი და არა საიმედო მეგობრები ყოლია, რადგან ხალხის მძევნარებიო დაშინებულინი სახლებში მიიმაღნენ. აზნაურებმა უარი უთხრეს მაზრის უფროს: ჩვენ საკმეში ვერ ჩავერვებით და ისიც იძულებული იყო კაზაკების ამარა შესხმოდა სოფელს სამშობლოს გადასარჩენათ. მხოლოდ ამ საშუალებით შესძლო მთავრობამ ფულის აღება. ეს ფაქტი საუკეთესო მაჩვენებელია იმის, რომ გლეხები ვეღარ იტანენ მემამულეებისა და მეფის მხეცურ „მზრუნველობას“. ეს შემთხვევა კიდევ უფრო შეაერთებს, გაამხნევებს და კიდევ უფრო დააჩქარებს გლეხებს, რომ მათ საიმედო ძალა აქვთ სისხლის მსველი მემამულეებისა და გახრწნილი მთავრობის კლანკებიდან თავის დასახწევათ. მაშ-ვიქონიოთ ჩვენც იმედი!..

ბ ა ნ ჯ ა.

ამას წინეთ განჯაში ღამით მოკლეს „გოროდოვოი“ სერგეი აკოფოვი. ეს საზიზღარი ადამიანი თავის ოთახში თავისუფალ დროს ადგენდა „არა კეთილსაიმედოთა“ სიას და შემდეგ დაუარა ყველა იქ აღნიშნულ პირთ შემდეგი წინადადებით: ან ციხე და ან ფული, აირჩიეო. ვისაც შეეძლო ფულის გადახდა (ეს ვაებატონი საქონელსაც ღებულობდა.) ხომ გადარჩენილი იყო, ვისაც არა, „ბუნტოვში“ იკაო. აცხადებდნენ. მოსავლიანი დღეები დაუდგა ამ ბოროტს სომხების მოძრაობის დროს; რამდანი ესლოც იტანჯებოდა აკოფოვის წყალობით ციხეში უმართლოთ დასჯილები! მოკლულის ჯიბეში იპოვეს 400 მ. ბინაზე აუარებელი შაქარი, ჩაა, ბეჭდები, ბრასლეტები და სხ. მკვლელი ვერ ფრთხილათ. საინტერესო იყო დამატების დღე: კუბო, მალა თავის ზევით აწეული მოქანდათ „გოროდოვოებს“, მათ წინ ბოქაულები მიუძღოდნოთ, უკან ხმალ-ამოღებული სტრაქნიკები. ჩნებული სანახაი იყო ყველა მისანები! ბაღდაჩის (ხედავ როგორი დაღებიო?) ამჟვენებდა სამი გვირგვინი: ერთი პროკურორ ს ამანაგის ბ. ლევიჩიისა, ზედ წარწერით: „მეფისა და სამშობლოს ერთგულ მოსამსახურეს“; მეორე პოლიციისტი რისა — „პატიოსან მუშაკს“; მესამე „გოროდოვოებსა“ და სტრაქნიკებისა — „დაუფიწყარ სერგოს. დაე შენი საქმენი ჩვენ სამაგალითოთ დაგვრჩენოდეს“. ამბობენ საფლავში ჩაშვების დროს ცხედარს თვით პოლიციისტიერა ემთხვია; ამან ყველაზედ ძლიერი შთაბეჭდილება მოახდინეს და დაუწყეს ლოცვა „პატიოსან მუშაკს“, უკანასკნელ ვალის აღასრულებლათ. აქაურ ციხეში ტუსაღთა შორის დიდი აღტაცება გამოიწვია ამ მკვლელობამ.

